

ԶԱՆԱԶԱՆ ԼՈՒՐԵՐ

«ՄՈՒՐՃ»-ի Ներկայ № 3 լուս է տեսնում ամսիս 25-ին: «Մուրճ»-ի ներկայ № 3 աշխատեցինք լուս ընծալել վաղօրօք, Զատիկայ տօներից առաջ: Այդ պատճառով մենք ստիպեցինք չետաձգել մի քանի լօղւածներ, որ պէտք է տեղ բռնէին Ներկայ համարում, ի միջի ալլոց և պ. Մաղաթեանի լօղւածի շարունակութիւնը, որ ստացւած է:

ՄԵՐ ԱՇԽԱՏԱԿԻՑՆԵՐԻՆ խնդրում ենք որ իրանց ձեռագիրները մէջ մեծ ուշադրութիւն դարձնեն մանաւանդ մի քանի տառերի որոշ գրութեան վերայ, ինչպէս են՝ է և ի, շ և ջ, ո և օ, մասնաւորապէս օտար անունների մէջ:

ԹԻՖԼԻՍԻ ՀՐԱՏԱՐԱԿԶԱԿԱՆ ԸՆԿԵՐՈՒԹԻՒՆԸ ամսիս 14-ին ունեցաւ իւր տարեկան նիստը, ուր կարդացեց տեղեկագիրը և կատարեցին հերթական ընտրութիւնները: Քւէարկեցին և ընտրեցին՝ նախագահ վարչութեան՝ պ. Ալ. Քալանթար (վերընտրւած), փոխ-նախագահ՝ ըժ. Լուու-Մելիքեան, (պ. Ս. Զելիսկու տեղ) գրապահ պ. Շաումեան, (պ. Յ. Քոչարեանի տեղ) քարտուղար պ. Յովհ. Ստեփանեան (պ. Տէր-Աւետիքեանի տեղ):

Խմբագրական մասնաժողովի անդամներ քւէարկեցին և ընտրեցին՝ պպ. Ղազարոս Աղայեան, օր. Յակոբեան, և պ. Լուկինիչ (պպ. Լևոն Սարգսեանի, Արշակ Բարխուդարեանի և Խ. Մալումեանի տեղ):

Ընկերութիւնը անցած տարում (1892 թ. մարտի 20-ից մինչ 1893 թ. լուսւ. 1-ը տպագրել է 11 ձեռագիր կամ արտատպութիւններ:

ԾԻԱԿԱՆ ԴՊՐՈՑՆԵՐԻ ՀՈԳԱՐԱՐՁՈՒԹԻՒՆՆԵՐԻ ՄԻ ՆԿԱՐԱԳԻՐ կարող է ծառայել ալն արձանագրութիւնը, որ ստւած է Ս. Էջմիածնի «Արարատ» ամսագրի փետրւարի տետրում, ուսումնական-վարչական լանձնաժողովի, փետրւ. 15—16, 1893 թ. կապցած նիստի մասին: Արձանագրութիւնը բռնում է սպառ 16 էջ և

վերաբերում է Գանձակ քաղաքի Ա. Յովհաննէս Մալր եկեղեցու տղալոց և օրիորդաց դպրոցների հոգաբարձութեան, որը բողոքած է եղել ամենապատիւ Տէր Տեղակալին 1) ընդդէմ թեմական վերատեսուէչ հայր Գեղամեանի, 2) ընդդէմ վիշեալ դպրոցների աւագ ուսուցիչների՝ պպ. Միքայէլ Ահապեանի և Արշալույս Մխիթարեանի, 3) ընդդէմ նոյն եկեղեցու երեցփոխան պ. Նարաթեանի:

Ուսումնական-վարչական լանձնաժողովի քննութիւնը ցոյց է տալիս, թէ որ աստիճանի սանձարձակութեամբ է վարւում եղել վիշեալ դպրոցների հոգաբարձութիւնը ղէպի ուսումնարանի պաշտօնատար անձերը և որքան նա կողմ կիրք է խառնում եղել իւր չարաբերութիւնների մէջ ղէպի նոցա: Առաջ ենք բերում լանձնաժողովի քննութեան եղրակացութիւնը:

«Ամբողջ գործից երևում է, որ հոգաբարձութեան սուր չարաբերութիւնը ղէպի աւագ ուսուցիչները, թեմական վերատեսուէչը և դանձապահ հոգաբարձուն և ամբողջ գործը իւր մէջ պարունակող խնդիրներով, ծագել է և ոչ թէ դպրոցները բարեկարգելու ձգտումներից, այլ անձնական հաշիւներից, որոնց մէջ ամենագլխաւոր դերը կատարել է հոգաբարձութեան նախագահը, (Գրիգոր քահանայ Թումանեանց) ձգտելով վրէժ լուծելու նոյն իսկ ի վնաս հիմնարկութեան ալն ամեն անձերից, որոնք չեն համակերպւել նորա ապօրինի պահանջներին և մասնաւոր շահերին»:

«Արարատի» խմբագրութիւնը, տպելով իւր էջերում այս անգամաւ նման արձանագրութիւններ, վերին աստիճանի կրթիչ դեր է կատարում:

ԲԱՅՅԻ ԸՆԿԵՐՈՒԹԻՒՆ Թէհրանում. Յիշեալ Ընկերութիւնից ստացանք տարեկան հաշիւը 1892 թ. համար, որից երևում է թէ մուտք եղել է 914,85 պարսկական դրան և ծախք՝ 904,87 դրան: Ընկերութեան ծախքը եղել է գրեթէ բացառապէս ընթերցարանի վերապ. Օղտում ենք ղէպքից վիշեցնելու Ընկերութեան, որ «Մուրճ»-ի խմբագրութիւնը, զիջելով ընկերութեան խնդիրքին նւիրել է նրան թէ «Մուրճ»-ի բոլոր համարները, 1889—92 թ. եթէ «Մուրճ»-ի բոլոր հրատարակութիւններից մի-մի օրինակ, մինչդեռ հաշւի մէջ ալդ մոտին վիշտակութիւն կա միայն 1892 թ. «Մուրճ»-ի մասին:

ԱՐԻՍՏԱԿԷՍ եպ. ՍԵԴՐԱԿԵԱՆ, անդամ Սինոդի, ներկայ ամսին 23-ին ժամանեց Թիֆլիս թաւանձին գործերով: Լրագիրների մէջ

տպւած լուրը, թէ Սինոդի անդամ Սարգիս եպիսկոպոսը
նշանակւած է Թիֆլիսի թեմի կառավարիչ՝ չի հաստատուում:
ՆՈՐ ՍՏԱՑԻԱՆԻ ԳՐԲԵՐ՝

- 1) ՏԵՐ-ՋԱՔԱՐԵԱՆ, Սահակ.—Կաշկանդւած սէր (վէպիկ Արձախի կեանքից).—Թիֆլիս, տպ. «Արօր» Նազարեանի, 1893, գինն է 10 կոպէկ:
- 2) ԲԱՄԱԼՆԱՆՅ, Ս.—Ծովինար (հեքիաթ), Երկրորդ տպագրութիւն, Թիֆլիս, տպ. Յովհ. Մարտիրոսեանցի, 1893, գինն է 20 կ.:
- 3) ՇԱՆԹ.—Լեւան աղջիկը (քերթւած), Արտատպած «Տարազից» Հրատ. Գ. Միրզոյեանի և Ս. Լիսիցեանի, Թիֆլ., տպ. Վարդ. Հրատ. Ընկ., 1893, գինն է 10 կոպ.:
- 4) ՊՈՇԵԱՆՅ, Պեռ.—Սկիզբն երկանց (վէպ), Հրատ. «Աղբիւր և Տարազ» հանդէսներով.—Թիֆլիս, տպ. Արօր Տ. Նազարեանի, 1892, գինն է 1 ա. 20 կոպ.:
- 5) ԹԱՂԻԱԴԵԱՆՅ, Մեսրոպ Դաւթեան.—Նդերերգութեան ջորհա թանկալ թաղիադեանց, արար հեղինակ քնարի Սիրահարի 1837.—Հրատարակութիւն Յովհ. Շահնազար Սարգսեանի, Նոր Զուգեցույ, ծանօթութիւններով Յովհ. քահանայ Մկրեանի.—Թիֆլիս, տպ. Շարաձէ, 1893, գինն է 40 կոպ.:
- 6) ՄԿՐՏԻՉԵԱՆ, Լևոն.—«Ամուսնական խնդիրներ», Մասն Ա.—Մնողք և զաւակունք, Հրատ. Զարդարեան գրատան, Կոստանդնուպոլիս, տպ. Ն. Արամեան, 1893 թ., գինն է 50 փարա:
- 7) ՆՈՒՊԱՐԵԱՆ, Մեսրոպ.—«Բառարան Քրանսերէնից-հայերէն», Կոստանդնուպոլիս, տպ. Գ. Պաղտատեան, 1892 թ.:
- 8) TER-MOWSESIANTZ, derzeit professor in Etschmiadzin.—Das armenische Bauernhaus.—Ein Beitrag zur Culturgeschichte der Armenierg.—Mit 55 Text-Illustrationen. Wien, 1892. Im Selbstverlage der Anthropologischen Gesellschaft.

Խմբագիր՝ ԱԻԵՏԻՔ ԱՐԱՍԻԱՆԵԱՆՅ
Հրատարակիչ՝ ՓԻԼԻՊՊՈՍ ՎԱՐԴԱՋԱՐԵԱՆՅ
